

Seizneix doxgaiq miz lai cungj lai yiengh, gij gwn cuk, siengj gwn maz couh cawx ndaej maz daeuj gwn.

Daengz haemh caeuz, gwnz daiz baij miz geij aen byaek, daengx ranz vunz comz youq henz daiz caez gwn caeuz, neix dwg gienh saeh cei q ciengz raen ndeu lo.

Vunz lai, byaek lai, habngamj gij sim’ ei q gak boux, siengj gwn maz, miz maz gwn, caen dwg cungj yiengjsouh ha!

Byaek lai yienznaeuz ndei, hoeng, baez gwn caeuz sat, cungj miz gij byaek lw roengzdaeuj. Baenzlawz guh cij ndei ne?

Gyoengqlwg miz gij yawj fap gyoengqde, daxmeh miz gij siengj fap bonjfaenh.

Gyoengqlwg siengj, byaek lw mbouj cai q singisien lo, cang roengz daehsuli u, dawz bae gveng couh ndaej lo.

Daxmeh siengj, byaek lw yienz-naeuz mbouj singisien lo, hoeng cang daeh dawz bae gveng caen hojsik. Cai q gangj, mbouj dwg gveng bae byaek lw, caemhcai q hix dwg gveng bae hanhlwed caeu q ngaenzcienz.

Daxmeh ciuh vunz gva q gij saedceij gungzhoj gvenq lo. Hag baenz cungj sibgvenq mbaet gwn mbaet yungh, raen mbouj ndaej vunz dai h-saengq gij gwn. Cai h gyoengq daeglwg gangj rwix gangj yak, naeuz gwn byaek lw miz cien fanh cungj mbouj ndei, de hix dingq mbouj haeuj rwz saek coenz.

Couh yienghneix, moix donq gwn caeuz sat laeng, lw gij byaek roengzdaeuj, daxmeh couh caenh dawz byaek lw rom roengzdaeuj, cang youq dawz gij byaek lw okdaeuj, raeuj ndei aeu daeuj soengq ngaiz gwn.

Vihneix, gyoengqlwg caeu q dax-meh hix mbouj noix doxceng.

Gyoengqlwg naeuz daxmeh mbaetged, daxmeh naeuz gyoengqlwg daihsaengq. Ngoenz bae ngoenz dauq, gyoengqlwg gangj mbouj ndaej fug



daxmeh, daxmeh hix gangj mbouj ndaej fug gyoengqlwg.

Baez nanz, gyoengqlwg hix mbouj nyienh cai q gangj daxmeh maz lo. Daxmeh ciu q gonq guh, danhfanz miz byaek lw, cungj aeu rom roengzdaeuj, cai daengz donq laeng dawz daeuj raeujraeuj couh gwn.

Gyoengqlwg eu q mbouj gva q daxmeh, doeklaeng gyoengqlwg caez gyonj ngaenz cawx aen binghsiengh ndeu dauqdaeuj, hawj daxmeh cang gij byaek lw youq ndaw, baenzneix ciemhciemh hix gyaezgyoh gij gwn, gvenq mbaet gwn mbaet yungh lo.

Gyoengq vunz ndaw mbanj couh haenh ranz vunz gyoengqde rox danggya, haenh gyoengqlwg daxmeh dingqgangj.

Gva q geij bi le, gyoengqlwg daxmeh baenzranz lo. Daxmeh caeu q daeg iq Daegyot caez youq. Youh gva q geij bi, Daegyot hix baenzranz lo, aeu ndaej mehyah boux vunz gyaedulili, cix dam gwn mbouj haengj guhhong.

Hainduj, daxmeh lij nyaenx lwgbawx Daegyot, ndwnj vah youq ndaw dungx, ngoenznaengz yawj Daegyot cawx haujlai byaek, bienq yiengh loengh gwn, baez gwn sat lw gij byaek cungj cang daehsuli u dawz bae gveng, saekdi hix mbouj sim’ in.

Nanz le, daxmeh saedcai h yawj mbouj gvenq lo, youh laeglemx youq seiz gwn caeuz sat, rom gij byaek lw roengzdaeuj, cang youq ndaw bat, yo

haeuj ndaw binghsiengh ce, cai daengz donq laeng gwn caeuz seiz, aeu gij byaek lw de yo daeuj raeuj gwn.

Mehyah Daegyot yawj daxmeh yienghneix guh, ndawsim mbouj angq, seiz mbouj seiz, yungh vah bae h daxmeh. Naeuz daxmeh dwg vunz mbaet vunz ged, naeuz daxmeh mbouj rox gwn, naeuz daxmeh mbouj gya ez gij ndangdae j bonjfaenh cixbah, lij dai q daeglwg lwgbawx caez souhcoih.

Daxmeh hozunq doi q lwgbawx gangj naeuz: “Bawx ha bawx, meh hix rox gangj rox daenj rox yiengjsouh, hoeng, meh gaxgonq gva q gij saedceij gungzhoj gvenq lo, hag baenz cungj sibgvenq insik gij gwn. Gou rom byaek lw cai q raeuj daeuj gwn, dwg vih sou mbaet ngaenzcienz. Cai q gangj, mwngz caen dwg yiemz gwn gij byaek lw neix, mwngz mbouj gwn hix baenz, ce hawj gou gwn. Mwngz siengjsiengj, sou gveng gij byaek lw neix, mbouj dwg gveng bae gij ngaenzcienz sou lwi? Bouxvunz youq gwnz biengz aeu lai ngeixnaemj, seiz imq aeu siengj daengz seiz iek cij ndaej.”

Bawx Daegyot dingq daxmeh baenzneix gangj, hujheiq dengdeng. De laihnaeuz daxmeh daegdaengq

diunan z de, caeu q de gva q mbouj bae, hoizbak hwnjdaeuj. Daxmeh lau caeu q lwgbawx doxceng, nau h ndaej ndawranz mbouj doxhu z, cai q mbouj gangj vah, sw nh ngoenz Daegyot lwgbawx mbouj youq ranz, coux buhva q sw hgeij bae ranz lwgdaih youq lo.

Gva q bi laeng, Daegyot miz lwg lo. Dem miz aen bak lwgnding, giz sai ngaenz couh lai lo. Gyoengqde ciemhciemh roxnyinh gij cienz ndaw fwngz gaenj, cai q mbouj ndaej lumj gaxgonq nei fwngzbyaengq lo. Seiz gwn caeuz, gij byaek gwnz daiz mbouj ndaej dai h baij dai h gwn lo. Couhcinj miz saek boux beixnuengx roxnaeuz hek daeuj ranz, lai baij di byaek dak hek, seiz gwn caeuz sat le, danghnaeuz gwnz daiz miz byaek lw, songde hix lumj daxmeh nei rom gij byaek lw roengzdaeuj, cang youq ndaw vanj, cuengq daengz ndaw binghsiengh bae louz, cai daengz donq laeng raeuj gwn.

Daxmeh rox Daegyot lwgbawx gai j bae gij sibgvenq daihsaengq, youh rox ranz gyoengqde vunz noix hong nyaengq, lwg lwgdaih hix majhung lo, baenzneix youh bae caeu q Daegyot caemhyou q moq lo, bang songde gan q lwg guh di hongranz.

Daxmeh cai q dauqma lo, Daegyot lwgbawx song boux youh sim’ angq youh najmong. Hei, lij dwg vahsug gangj ndaej deng——“danggya cij rox gy u youz bengz, ciengx lwg ngamq rox cingz bohme h”. Daxmeh vihmaz rom byaek lw, cungj dwg vih lwg vih lwgbawx.

Danghnaeuz raeuz vunzlai youq seiz gij gwn cuk, cungj mbouj insik gij gwn, daihsaengq gij gwn, goulau seiz gungzhoj daeuj daengz le, raeuz ienqhoij yaek dau q gva q cix mbouj miz yungh bw!



·Sawcuenhraz Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

“It dingh dwg deng de dojcienz saengq caez lo!” Gou daekeiq vauvau lai hnaeuz bonjfaenh ra ok dapanq lo. Ciengzseiz ndaejni yunzhu ng gangj biuz lauxgawj, dojcienz caeu q ndoet laeuj ai q rox saengq bak fanh cien z ngaenz seuqsat, Aulungzgeiz itdingh hix dwg yienghneix.

“Mbouj dwg yienghde.” “O?” Liuh mbouj daengz, dai q baenzneix haengjdingh gangj. “Baenzneix—— nanzdauh dwg de cit iennamh?”

“Hix mbouj dwg.” Neix couh geizheih lo, gou yienznaeuz daengz gizneix mbouj miz geijlai nanz, hoeng baez daengz couh rox ndaw mbanj miz Aulungzgeiz boux vunz neix, caiqlix haujlai bi

daeuj de itcig mbouj miz maz bienqva q, hoeng coengzlaiz mbouj ndaejni y gyoengq vunzhu ng dwen daengz de vihmaz baenzneix baihsai q gva q, seizneix haeujsim dingq gij vah daxdai q, mingzyienj ndawde miz gij goj, hawj gou gig mizyinx. Gou sikhaek ndwn hwnjdaeuj, byai j daengz eijgvaengz baihlaeng dai q naengh, aeu gaemxgienz iq menhmenh dub song mba q daxdai q, guh’ unj naeuz:

“Dai q, dauqdae j de vihmaz cij bienqbaenz yienghneix ne? Caezgya lij naeuz de dwg vunzrwix.”

“Mwngz nyez lai, gou gangj le mwngz mbouj rox.”

“Rox. Dai q, gou ndaejni y le couh rox.”

“Yo! Mbaeu di, baenzneix roengz-

rengz siengj dub gij ndok dai q sanq bae ha?”

“Ndei, ndei!” Gou muengz dub mbaeu lo: “Dai q mwngz couh gangj ba! Gou mbaeumbengq dub.”

Dai q danq gaemz heiq ndeu, baenq naj gvaqdaeuj doi q gou riuriu.

“Baenz lo, mwngz gaej dub lo, ngoenzneix mbwn’ gvengq, gij mba q dai q mbouj in le, mwngz naengh roengzdaeuj, gou gangj hawj mwngz

nyi!”

Gou baez sim’ angq, gaemxgienz haenqrengz dub le song baez, dai q yung mba q, ndaw bak doq hemq hwnjdaeuj.

“Gou gangj aen goj ndeu hawj mwngz nyi gonq.”

“Ndei ha!”

Gou rag aen daengq daeuj, dep eijgvaengz naengh.

(caengz sat)